


## Kiseljak

Motiv s rijeke

Lepenice

Une vue de la  
rivière Lepenica

Ein motiv am  
Lepenica-Fluss



te je veoma zanimljiv zbog karakteristična izgleda i tipično orijentalne gradnje.

Otkako je Banska uprava Drinske Banovine preuzela upravu ovoga lječilišta, nastoji svim silama da Kiseljak podigne na visinu, koja odgovara poznatoj ljekovitosti ovoga alkalno kiselog izvora i ljepoti njegove okolice. Izvor je nanovo sasvim moderno ozidan, park je obnovljen i preuređen po nacrtima savremenih stručnjaka, a kupališta udešena sa svima modernim potrebama. Ima dovoljan broj hotela i privatnih stanova s prehranom. Naskoro će se staviti u prodaju ova ljekovita voda u bocama, jer se naučnim ispitivanjem dokazala njena ljekovitost i kao pitke vode, a osobito kada se pomiješa s vinom ili s voćnim sokovima, te je ukusnija od drugih mineralnih voda. Sadržava ugljičnu kiselinu, Glauberovu sô i željezo, te s uspjehom liječi bolesti organa za disanje, probavne smetnje, spolne bolesti, ženske bolesti i oboljenja kosti. U sezoni ordinira kupališni liječnik.

Moderno uređeni hoteli; gostionice Petrović i Delak.

Autobusna pruga Sarajevo—Kiselak—Fojnica.

Obavještenja: Uprava Banovinskog lječilišta, Kiseljak kod Sarajeva.

## FOJNICA

U blizini Kiseljaka leži lječilište Fojnica sa sumpornim vrelom (akratoterma 29,3° C) i kupalištem. Fojnica je središte stare željezne industrije. Posljednjih godina bosanskoga kraljevstva Fojnica bijaše znamenito trgovačko mjesto s jakom rudarskom kolonijom, koja se poglavito bavila kopanjem zlata, srebra i željeza. U Fojnici se nalazi znamenit franjevački samostan Sv. Duh, za koji se zna da je bio podignut prije propasti bosanskoga kraljevstva (15 vijek). Dolaskom Turaka bio je uništen i kasnije opet obnovljen. Samostanski arhiv ima veoma znatne